

Platt partu:

Du sühst ja as en Kranker ut — probeer mal wat vun "Ankerkruut"!

Moinmoin, leve plattdüütsche Maten un Frünnen!

Nee, Reklaam will ik hier nich maken, man ik mag den Krüderkraam vun "Ankerkruut" geern, un op de Söök na Schüddelriemels dröffst nich krüüsch ween ;-)

Ja, nu sünd wi in 2025 start't, un een Twölfteel is al futsch! De Tied raast echt as verdull. De [Wiehnachtsbööm sünd in Funken terstaven](#), in uns Kinnermärken is [dat Huus nu al 25 Johr oolt](#) — un kriggt Komplimenten ahn Enn vun de schönsten Goornblööm. So wöörn wi uns dat ok för dat anbraken Johr wünschen! Mit en [Niejohrssegen hebbt wi dat in Gotts Hannen leggt](#); an'n [Dreekönigsdag bekräftigt wi dat mit en Huussegen](#); mit [Höpen un en beten Beklommenheit](#) kiekt wi vörut. Melancholie un vörsichtig Höpen klingt ok ut uns [Niegjohrsgedichten](#). Op uns [Künst-Flack](#) stüert düt Johr wedder Hildegard Tölke en [wunnerschönen Kunstklenner bi](#); ok [ehr Niegjohrsbild](#) stimmt stevig un benaut togliek.

[Wenn'n sik ümkiekt in de Welt](#), is dat keen Wunner. [Vör 80 Johr woorn de KZs befriet](#) — vun de Schehnisse dor warrt sik de Minschenseelen nienich ganz befrien, un dat de Sellschappen sik nich driest vun dat Erinnern befriet, mööt wi höpen. De sik nich mehr erinnern köönt orr wüllt, warrt mehr. Wat uns ok op den Maag sleit, is sachs de [Trüchkunst vun Donald Trump](#) mit sien [Team vun Horrorclowns](#); en [KI weer to jede Tied de beter Wahl](#). De düütsche Regierungskries kannst dorgegen [bloots noch karnevalistisch opfaten](#); se spöölt [ok schräge Typen na baven](#), avers nich in de Liga vun Trumps Trupp. Nu hett [Fiete Merz ok in de CDU en Keil dreven](#); de [SPD kennt den Flögelkampf al lang](#). Wo dat op los geiht, warrt wi wieder verfolgen. Ach ja: Övermorgen geiht de Wahlomat online!

Bi uns Maten mit den Vertellsinn köönt wi en beten utspannen — bi Geschichten vun [tragische Teckels](#) un [schieterige Peer](#), [löckerige Däcker](#) un hööglich Erinnern, [woans een fröher schreven hett](#). Ganz faszineern is de [Sünnensonde Parker](#), de sik [hellsch nehg an de Sünn rantruut](#). Ach ja: [Un dröff een "Titt" seggen?](#)

Wioldess Se över düsse Fraag nasinnt, leve Frünnen, warrt de Februarmaand hengahn, un wi leest uns denn wedder Anfang Märzmaand. Dat gah Se good bet dorhen!

Nu de Linkliste. Op de Links bruukt Se bloots klicken, dat Se henkaamt.

[Plattdüütsch Kunst:](#)

[Notizen ut'n Harvstmaand](#). Fotos un Verse vun Marlou Lessing (26.1.)
[Mit Biller dör dat Johr 2025: Januar](#). Biller vun Hildegard Tölke, Verse vun Marlou Lessing (18.1.)
[Notizen ut'n Aarnmaand](#). Fotos un Verse vun Marlou Lessing (11.1.)
[Nieghjohr](#). Översetten na Theodor Fontane (4.1.)

De Welt un Gott:

[„Das sagt man nicht!“](#) Vun Meike Balzer-Fraun (21.1.)
[Rägendroopen](#). Vun Ewald Eden (18.1.)
[Schrieven mit Griffel un Tastatur](#). Vun Meike Balzer-Fraun (12.1.)
[Hogen Nieghjohr is ok dei Dreikönigsdach](#). Vun Behrend Böckmann (10.1.)
[Pieräppel up'e Strät](#). Vun Behrend Böckmann (10.1.)
[Gedichten to Nieghjohr 2025](#) (4.1.)
[Dei Teckel](#). Vun Behrend Böckmann (3.1.)

In't [Lütte Gebeedbook](#):

[Nieghjohrssegen](#). Vun Marlou Lessing (1.1.)
[80 Johr Enn vun'n Faschismus](#). Vun Marlou Lessing (26.1.)

Natuur un Wetenschap:

[Dei Parker Solar-Sonde schrammt an dei Sünne vörbi](#). Van Ludgerd Lüske (3.1.)

In't [aktuelle Natuur-Notizbook](#):

[Dat Weder sleit üm](#). Vun Marlou Lessing (13.1.)
[Winteridyll](#). Vun Marlou Lessing (12.1.)

Wat in de Welt vörgeiht:

[Trump: "Ik bün wedder dor!"](#) Vun Behrend Böckmann (24.1.)
[Maat Jan: Büttenreed to dat Ampel-Enn](#). Vun Maat Jan (21.1.)
[Späukenzieker Roderich Kiesewetter](#). Vun Behrend Böckmann (17.1.)
[Dei Sozis inne Predulch](#). Vun Behrend Böckmann (12.1.)

In't [plattdüütsche Notizbook](#) vun Marlou Lessing:

[Koppsalaat](#) (31.1.)
[En christliche Alpdroom](#) (24.1.)
[KI, bitte övernehmen!](#) (21.1.)
[Mitfungen, mithungen](#) (17.1.)
[Wi köönt nich mitholln](#) (12.1.)
[Nu warrt't bunt!](#) (11.1.)
[Leevde is billiger!](#) (9.1.)
[Gaza un keen Enn](#) (3.1.)

För Kinner:

Dat Huus, Deel 3: [Na fiefuntwintig Johr](#). Märken vun Sophie Reinheimer, överdragen
vun Klaus-Dieter Tüxen (26.1.)

Hartlich grööt

Marlou Lessing un dat lütte Plattpartu-Team